



Službeni glasnik

Općine Tuzla

GODINA XLVIII

14. JULI 2011. GODINE

BROJ 7

I AKTI OPĆINSKOG VIJEĆA TUZLA

1

Na osnovu člana 13. Zakona o principima lokalne samouprave („Službene novine Federacije Bosne i Hercegovine“, broj 49/06.) i člana 26. Statuta Općine Tuzla („Službeni glasnik Općine Tuzla“, broj 2/99., 9/00., 2/08. i 12/09.), Općinsko vijeće Tuzla, na sjednici od 13. jula 2011. godine, donosi

ODLUKU

o izmjenama i dopunama Poslovnika Općinskog vijeća Tuzla

Član 1.

U članu 8. stav 1. Poslovnika Općinskog vijeća Tuzla („Službeni glasnik Općine Tuzla“, broj 7/05.) (u daljem tekstu: Poslovnik), riječi „deset dana“ zamjenjuju se riječima „30 dana“.

Član 2.

Član 12. stav 1. Poslovnika mijenja se i glasi:

„Na prvoj (konstituirajućoj) sjednici, Vijeće bira predsjedavajućeg Vijeća, predsjednike i članove Komisije za izbor i imenovanja, Mandatno-imunitetske komisije, Komisije za statutarna pitanja i propise.“

Član 3.

U članu 56. Poslovnika, iza stava 4. dodaje se novi stav 5., koji glasi:

„Javnost rada Vijeća se obezbjeđuje prisustvom akreditovanih predstavnika sredstava javnog informisanja u sali za održavanje sjednica Vijeća, kao i obezbjeđenjem prostora za praćenja rada sjednica Vijeća za ostale učesnike u radu sjednice, koji nisu predstavnici predlagača ili obrađivača materijala, u susjednoj prostoriji s ekranom na kojem se može pratiti tok sjednice.“

Član 4.

Član 58. Poslovnika, mijenja se i glasi:

„Član 58.

Sjednicu Vijeća saziva predsjedavajući Vijeća.

Predsjedavajući Vijeća u dnevni red unosi ona pitanja koja su predviđena Programom rada Vijeća i druga pitanja koja su od strane obrađivača materijala pristigla do dana slanja poziva za sjednicu Vijeća, ili su usaglašena na redovnoj sjednici Kolegija Vijeća.

Predsjedavajući Vijeća zakazuje vanredni Kolegij neposredno pred početak sjednice Vijeća radi zauzimanja stava o uvrštavanju neodložnih i hitnih pitanja, koja su pristigla nakon održavanja Kolegija Vijeća, a najkasnije 48 sati prije održavanja sjednice.

Materijali, koji su pristigli nakon roka iz prethodnog stava ovog člana, ili usmeni zahtjev za uvrštavanje rasprave o bilo kom pitanju, neće biti razmatrani.“

Član 5.

Član 70. Poslovnika mijenja se i glasi:

„Član 70.

Vijećnici i drugi učesnici na sjednici dužni su da govore samo o materijalu, koji je u okviru tačke dnevnog reda predmet rasprave, kao i da poštuju vrijeme za diskusiju predviđeno ovim Poslovnikom.

Diskusija predsjednika ili predstavnika Kluba, predstavnika komisije, Općinskog načelnika ili obrađivača materijala, može trajati najduže deset minuta, a diskusija vijećnika može trajati najduže pet minuta.

Prilikom izlaganja govornici su dužni da čuvaju dignitet Općinskog vijeća, te im je zabranjeno koristiti psovke i neprikladne izraze, pominjati privatni život drugih osoba, iznositi, pronositi ili izražavati neistine i na bilo koji način svojim govorom ili konkludentnim radnjama grubo vrijeđati i narušavati fizički ili moralni integritet druge osobe, ma o kome se radilo.

Ni jedan vijećnik ne može dobiti riječ po drugi put, dok se ne iscrpi redosljed prvog prijavljivanja vijećnika.“

Član 6.

Član 71. mijenja se i glasi:

„Član 71.

Govornik uvijek govori iza govornice.
Zabranjeno je dobacivanje govorniku s mjesta, odnosno

ometanje govornika na drugi način i svako ponašanje koje narušava ili zloupotrebljava slobodu govora.

Predsjedavajući se stara da govornik ne bude ometan u govoru i da opomene govornika koji postupuje suprotno odredbi člana 70. ovog Poslovnika.“

Član 7.

U članu 74. Poslovnika, iza stava 3., dodaju se novi stavovi 4.i 5., koji glase:

“Vijećniku koji zloupotrebljava poslovničku intervenciju da bi, umjesto o povredi ovog Poslovnika, govorio o drugoj temi, predsjedavajući oduzima riječ i šalje ga na mjesto.

U slučaju da vijećnik odbija da napusti govornicu, predsjedavajući će postupiti u skladu sa članom 75 c. i d. ovog Poslovnika.”

Član 8.

Član 75, Poslovnika mijenja se i glasi:

„Član 75.

Predsjedavajući se stara o održavanju reda na sjednici i dužan je preduzeti mjere na otklanjanju situacije kojom se narušava red ili krše odredbe ovog Poslovnika.

Vijećnici i drugi učesnici u radu sjednice, dužni su da se suzdrže od bilo kakvih radnji kojima se povređuje red na sjednici Vijeća.

Povreda reda na sjednici Vijeća, smatra se:

- a) kršenje ili pozivanje na kršenje Ustava, Zakona, Statuta ili općinskog propisa
- b) nepridržavanje bilo koje odredbe ovog Poslovnika od strane vijećnika ili drugog učesnika na sjednici za govornicom
- c) ometanje reda na sjednici s mjesta, a naročito govor i komentarisanje s mjesta, polemika sa prisutnim s govornice, upotreba vulgarnih riječi, povreda privatnosti drugih, galama, fizičko razračunavanje i slično
- d) govor govornika koji nije dobio riječ od predsjedavajućeg“

Član 9.

Iza člana 75., dodaju se novi članovi 75 a., 75 b., 75 c., 75 d. i 75 e., koji glase:

“Član 75 a.

Ako vijećnik ometa rad sjednice s mjesta (dobacivanjem, konkludentnim radnjama ili na drugi način), ili za govornicom postupuje suprotno odredbama ovog Poslovnika, predsjedavajući je ovlašten izreći mu sljedeće mjere: opomena, oduzimanje riječi ili udaljenje sa sjednice.

Evidenciju o izrečenim mjerama iz prethodnog stava ovog člana, vodi Stručna služba Vijeća.“

„Član 75 b.

Opomena se izriče vijećniku u sljedećim situacijama:

- kada govori prije nego što je zatražio i dobio riječ
- ako, i pored upozorenja predsjedavajućeg, govori o pitanju koje nije na dnevnom redu
- kada prekida govornika u izlaganju ili dobacuje, odnosno ometa govornika ili na drugi način ugrožava slobodu govora
- kada vrijeđa drugoga ili upotrebljava psovke i uvredljive izraze, ili narušava moralni ili fizički integritet drugog lica
- kada iznosi podatke i ocjene koje se odnose na privatni život drugih lica
- ako drugim postupcima narušava red na sjednici ili postupuje protivno odredbama ovog Poslovnika.“

„Član 75 c.

Mjera oduzimanja riječi izriče se vijećniku kome su prethodno izrečene dvije uzastopne mjere opomene, a koji i poslije toga narušava red na sjednici ili postupuje protivno odredbama ovog Poslovnika.

Vijećnik kome je izrečena mjera oduzimanja riječi, dužan je da prekine svoje izlaganje. U suprotnom, predsjedavajući prekida sjednicu i određuje pauzu dok se ne uspostavi red.“

„Član 75 d.

Mjera udaljenja sa sjednice se izriče vijećniku koji i poslije izrečene mjere oduzimanja riječi u nastavku sjednice poslije pauze i dalje ometa ili sprečava rad na sjednici, ne poštuje odluku predsjedavajućeg, ili nastavlja da čini druge prekršaje u smislu ovog Poslovnika.

Mjera udaljenja se izriče vijećniku za period trajanja sjednice koja je u toku.

Mjera udaljenja sa sjednice može se izreći vijećniku i bez prethodno izrečenih mjera, u slučaju fizičkog napada na drugo lice u zgradi u kojoj se održava sjednica.

Vijećnik kome je izrečena mjera udaljenja sa sjednice, dužan je da se odmah udalji iz sale u kojoj se sjednica održava.

Ako vijećnik odbije da se udalji sa sjednice, predsjedavajući će naložiti službi zaduženoj za održavanje reda u sali, da tog vijećnika udalji sa sjednice i odrediti pauzu do izvršenja mjere udaljenja.“

„Član 75 e.

Ako učesnik u radu sjednice ili posjetitelj s mjesta narušava red na sjednici (dobacivanjem, konkludentnim radnjama ili na drugi način), predsjedavajući će ga opomenuti, a ako ni nakon opomene ne prestane da narušava red, naložit će službi za održavanje reda da ga udalji iz sale.

Ako drugi učesnik u radu sjednice krši odredbe ovog Poslovnika za govornicom, predsjedavajući će ga opomenuti, oduzeti mu riječ ili prekinuti sjednicu.“

Član 10.

U članu 90., iza stava 1., dodaju se novi stavovi 2. i 3., koji glase:

“Vijećnik je dužan pridržavati se Ustava, Zakona, Statuta Općine Tuzla i općinskih propisa i u skladu sa zakonima odgovara za preduzete radnje i donesene odluke.

Vijećnik je dužan čuvati ugled i dostojanstvo funkcije vijećnika u Općinskom vijeću Tuzla i suzdržavati se od svake radnje kojom se isti narušava.”

Član 11.

U članu 98., stav 2. Poslovnika, na kraju rečenice, riječi „određenim Statutom”, zamjenjuju se riječima „propisanim Zakonom i Statutom”.

Član 12.

Član 157. Poslovnika mijenja se i glasi:

„Član 157.

Predstavnicima sredstava javnog informisanja se osigurava slobodan pristup na sjednice Vijeća.

Pod predstavnicima sredstava javnog informisanja, u smislu ovog člana, podrazumijevaju se akreditovani novinari onih sredstava javnog informisanja koji su registrovani u skladu s važećim zakonodavstvom.

Stručna služba Vijeća se stara o tome da se blagovremeno obezbijede akreditacije, materijale za sjednicu i prostor u sali gdje se održava sjednica Vijeća za predstavnike sredstava javnog informisanja koji su se najavili da prate rad sjednice Općinskog vijeća.“

Član 13.

Iza člana 157. dodaje se novi član 157 a. i 157 b., koji glase:

„Član 157 a.

Lica koja nisu pozvana na sjednicu s ciljem davanja mišljenja o materijalu, a nisu ni predstavnici sredstava javnog informisanja, mogu prisustvovati sjednicama pod uslovima iz ovog člana.

Lica iz prethodnog stava ovog člana, mogu prisustvovati uz odobrenje predsjedavajućeg ili njegovog zamjenika, ako su svoje prisustvo blagovremeno najavili, a najkasnije tri dana prije održavanja sjednice i ako za to postoje prostorne i druge tehničke mogućnosti.

Licima iz stava 1. ovog člana Stručna služba osigurava mjesta za sjedenje u za njih posebno pripremljenoj sali, gdje će na ekranu pratiti tok sjednice.“

„Član 157 b.

O postojanju uvjeta iz člana 157 a. (odgovarajućeg broja sjedišta u posebno izdvojenom dijelu sjednice), Stručna služba Vijeća obavještava predsjedavajućeg ili zamjenika predsjedavajućeg Vijeća.

Stručna služba Vijeća, licima iz prethodnog člana, najkasnije neposredno pred sjednicu, uručit će akreditacije.

Lica iz stava 1. člana 157 a. ne mogu u salu unositi bilo kakvo oruđe ili oružje ili sredstva za snimanje, o čemu se stara služba obezbjeđenja koja će biti osigurana u skladu sa Zakonom.“

Član 14.

Član 163. Poslovnika, mijenja se i glasi:

„Član 163.

Vijećnička pitanja se postavljaju pismeno, a čitaju se u pravilu na početku sjednice, osim ako Vijeće ne odluči drugačije.

Jedan vijećnik na jednoj redovnoj sjednici može postaviti najviše tri vijećnička pitanja.

Vijećničko pitanje vijećnik je dužan izložiti u maksimalno tri minute, a ako prekorači predviđeno vrijeme oduzima mu se riječ.

Tačka dnevnog reda, pod nazivom vijećnička pitanja, može trajati najduže 30 minuta.

Predsjedavajući Vijeća se stara da vijećnik dobije odgovor na postavljeno pitanje do naredne sjednice Vijeća, uz zaključke Vijeća u pisanoj formi.

Vijećnik, koji nije zadovoljan odgovorom na vijećničko pitanje, može tražiti dopunu odgovora.

Ako to vijećnici koji su postavili pitanje zahtijevaju, predsjedavajući može omogućiti Općinskom načelniku i obrađivačima materijala, da u kratkim crtama daju usmeni odgovor na postavljena vijećnička pitanja, uz obavezu da se i pored datog usmenog odgovora dostavi pisani odgovor u skladu sa stavom 2. ovog člana.

Vijećnik ima pravo da se po dobijanju usmenog odgovora odrekne prava na pisani odgovor.“

Član 15.

Ovlašćuje se Komisija za statutarna pitanja i propise da sačini i Općinskom vijeću dostavi na razmatranje i usvajanje prečišćeni tekst Poslovnika Općinskog vijeća Tuzla.

Član 16.

Odluka stupa na snagu danom objavljivanja u „Službenom glasniku Općine Tuzla“.

OPĆINA TUZLA

Općinsko vijeće

Broj: 01-05-6394-2011

13. juli 2011. godine

PREDSJEDAVAJUĆI

Nada Mladina

2

Na osnovu člana 8., stav 3., tačka 4. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06.), člana 26. Statuta Općine Tuzla („Službeni glasnik Općine Tuzla“, broj 2/99., 9/00., 2/08. i 12/09.), i Memoranduma o razumijevanju, broj 02-28-9252-2010, od 26. 10. 2010. godine, potpisanog između Ujedinjenih nacija koje zastupa Razvojni program Ujedinjenih nacija – UNDP i Općine Tuzla, Općinsko vijeće Tuzla, na sjednici od 13. jula 2011. godine, donosi

ODLUKU

o usvajanju Akcionog plana energetske održivog razvoja općine Tuzla

Član 1.

Usvaja se Akcioni plan energetske održivog razvoja općine Tuzla.

Član 2.

Sastavni dio ove Odluke čini Akcioni plan energetske održivog razvoja općine Tuzla, s prijedlogom mjera za unapređivanje energetske efikasnosti i korištenja obnovljivih izvora energije.

Član 3.

Akcioni plan energetske održivog razvoja općine Tuzla počinje se primjenjivati po stupanju na snagu ove Odluke i usvajanju Akcionog plana od strane Europske komisije, i isti će se primjenjivati do 2020. godine.

Član 4.

Za realizaciju, odnosno koordinaciju procesa provođenja Akcionog plana energetske održivog razvoja općine Tuzla, zadužuje se radna grupa koju će posebnim rješenjem formirati Općinski načelnik Tuzla po stupanju na snagu ove Odluke i usvajanju Akcionog plana od strane Europske komisije.

Član 5.

Odluka stupa na snagu danom objavljivanja u „Službenom glasniku Općine Tuzla“.

OPĆINA TUZLA
Općinsko vijeće
Broj: 01-23-6395-2011
13. juli 2011. godine

PREDSJEDAVALA
Nada Mladina

3

Na osnovu člana 13. Zakona o pripadnosti javnih prihoda u Federaciji BiH („Službene novine FBiH“, broj 22/06., 43/08 i 22/09.), člana 7. Zakona o pripadnosti javnih prihoda na području Tuzlanskog kantona i finansiranju Tuzlanskog kantona („Službene novine TK“, broj 12/05., 8/06. i 5/09.), Zakona o kantonalnim administrativnim taksama i Tarifi kantonalnih administrativnih taksi („Službene novine TK“, broj 12/97., 14/02. i 7/03.) i člana 26. Statuta Općine Tuzla („Službeni glasnik Općine Tuzla“, broj 2/99., 9/00., 2/08 i 12/09.), Općinsko vijeće Tuzla, na sjednici od 13. jula 2011. godine, donosi

ODLUKU**o dopuni Odluke o administrativnim taksama i tarifi općinskih administrativnih taksi****Član 1.**

U Tarifnom broju 14. Odluke o administrativnim taksama i Tarifi općinskih administrativnih taksi („Službeni glasnik Općine Tuzla“, broj 4/11), poslije tačke 4. dodaju se sljedeće tačke:

5. Za izdavanje identifikacije parcela novog premjera s parcelama starog premjera, po jednoj parceli novog premjera 5 KM
6. Za izdavanje identifikacije parcela starog premjera s parcelama novog premjera, po jednoj parceli starog premjera 5 KM

7. Za izdavanje istorijata upisa i promjena jedne katastarske parcele 60 KM
- za svaku narednu parcelu iz istog posjedovnog lista 10 KM

Član 2.

Odluka stupa na snagu osmog dana od dana objavljivanja u „Službenom glasniku općine Tuzla“.

OPĆINA TUZLA
Općinsko vijeće
Broj: 01-15-6396-2011
13. juli 2011. godine

PREDSJEDAVALA
Nada Mladina

4

Na osnovu člana 5. Zakona o prometu nepokretnosti („Službeni list SRBiH“, broj 38/78., 4/89., 29/90. i 22/91.) i („Službeni list RBiH“, broj 21/92., 3/93. i 17/93.) i člana 26. Statuta Općine Tuzla („Službeni glasnik Općine Tuzla“ broj 2/99., 9/00., 2/08. i 12/09.), Općinsko vijeće Tuzla, na sjednici od 13. jula 2011. godine, donosi

ODLUKU**o davanju na korištenje bivše zgrade „Stepekt“ JP „BIZNIS INOVACIJE I TEHNOLOGIJE“****I**

Općina Tuzla daje na korištenje JP „Biznis inovacije i tehnologije“ Tuzla, objekt u kojem je ranije bio „Stepekt“ u Tuzli, a koji se nalazi na zemljištu označenom kao k.č. broj 5/407, dvorište i zgrada, ukupne površine 261m², upisana u zk. ul. 11738 KO Tuzla, pravo raspolaganja Gradska Općina Tuzla, a kojoj po novom premjeru odgovara k.č. broj 285/2, dvorište i zgrada, upisana u PL 328 KO Tuzla II, društvena svojina, posjed Osnovna škola „Centar“.

II

Pravo korištenja se daje na period od deset godina.

III

JP „Biznis inovacije i tehnologije“ će objekt koristiti za svoje potrebe, odnosno za obavljanje poslovne djelatnosti.

IV

Na osnovu ove Odluke će se zaključiti ugovor između Općine Tuzla i JP „Biznis inovacije i tehnologije“ Tuzla o uslovima i načinu korištenja objekta.

Ovlašćuje se Općinski načelnik da zaključi ugovor o uslovima i načinu korištenja objekta.

V

Na osnovu ove Odluke, u zemljišnim knjigama Općinskog suda Tuzla, u „C“ teretnom listu, izvršit će se upis prava korištenja na period od deset godina.

VI

Odluka će se objaviti u “Službenom glasniku općine Tuzla”.

OPĆINA TUZLA
Općinsko vijeće
Broj: 01/08-31-6397/11
13. juli 2011. godine

PREDSJEDAVALAČICA
Nada Mladina

5

Na osnovu člana 26. Statuta Općine Tuzla („Službeni glasnik Općine Tuzla”, broj 2/99., 9/00., 2/08. i 12/09.), a u vezi sa članom 4. Zakona o prometu nepokretnosti („Službeni list SR BiH”, broj 38/78., 4/89., 29/90. i 22/91.) i („Službeni list RBiH”, broj 2/92., 3/93. i 18/94.), Općinsko vijeće Tuzla, na sjednici od 13. jula godine, donosi

ODLUKU
o promjeni statusa nepokretnosti

Član 1.

Utvrđuje se da je izgubilo status dobra u općoj upotrebi zemljište društvene svojine označeno kao:

- k.č. broj 183/39 zv. Oranica polja, površine 1302 m²,
- k.č. broj 183/40 zv. Pašnjak polja, površine 408 m²,
- k.č. broj 183/41 zv. Pašnjak polja, površine 287 m², upisane u Iskaz I KO Husino, javno dobro sa 1/1,
- k.č. broj 614/41 zv. Oranica polja, površine 1181 m²,
- k.č. broj 614/43 zv. Oranica polja, površine 288 m² i
- k.č. broj 614/51 zv. Oranica polja, površine 121 m², upisane u el. zk. uložak 300 (prenesene iz Iskaz I KO Bistarac), javno dobro sa 1/1, (novi premjer dio k.č. broj 445/9, dio k.č. broj 446, dio k.č. broj 447/2, k.č. broj 447/3 iz posjedovnog lista broj 2285 KO Plane posjednici Općina Tuzla s dijelom od 4/16, Kovačević Anka s dijelom od 2/16, Nedić Renata s dijelom od 1/16, Nedić Boris s dijelom od 1/16 i Okanović (Mehmed) Sulejman s dijelom od 8/16 i k.č. broj 564/5 iz posjedovnog lista broj 414 KO Plane, društvena svojina, Vode s dijelom od 1/1).

Član 2.

Općinski sud, Zemljišno-knjižni ured u Tuzla i Služba za geodetske i imovinsko-pravne poslove Općine Tuzla, na zemljištu opisanom u članu 1. ove Odluke, u zemljišnoj knjizi, brisat će ranije izvršene upise i isto upisati kao društvena svojina - pravo raspolaganja u korist Općine Tuzla sa 1/1.

Član 3.

Odluka će biti objavljena u “Službenom glasniku Općine Tuzla”, a stupa na snagu danom donošenja.

OPĆINA TUZLA
Općinsko vijeće
Broj: 01/07-31-9961/10-I
13. juli 2011. godine

PREDSJEDAVALAČICA
Nada Mladina

6

Na osnovu člana 4. Zakona o prometu nepokretnosti (“Službeni list SR BiH”, broj 38/78., 4/89., 29/90. i 22/91.) i člana 26. Statuta Općine Tuzla (“Službeni glasnik Općine Tuzla”, broj 2/99., 9/00., 2/08. i 12/09.), Općinsko vijeće Tuzla, na sjednici od 13. jula 2011. godine, donosi

ODLUKU
o promjeni statusa nepokretnosti

Član 1.

Utvrđuje se da je izgubilo status dobra u općoj upotrebi zemljište u društvenoj svojini označeno kao:

- k.č. broj 2653/1 zv. pašnjak Vjetrovac, površine 4367 m²,
- k.č. broj 2653/6 zv. pašnjak Vjetrovac, površine 1200 m²,
- k.č. broj 2653/20 zv. put Vjetrovac, površine 107 m²,
- k.č. broj 2653/22 zv. oranica Vjetrovac, površine 217 m²,
- k.č. broj 2653/26 zv. oranica Vjetrovac, površine 68 m²,

sve upisane u zk. ul. Iskaz III KO Tuzla (novi premjer k.č. broj 3149, 3192, 3193 i 3150/5 KO Tuzla i, društvena svojina sa 1/1)

Član 2.

Zemljišno-knjižni ured Općinskog suda Tuzla i Služba za geodetske i imovinsko-pravne poslove, na zemljištu opisanom u članu 1. ove Odluke, u zemljišnoj knjizi, brisat će se ranije izvršene upise i isto upisati kao društvena - državna svojina, pravo raspolaganja u korist Općine Tuzla.

Član 3.

Odluka stupa na snagu danom donošenja i ista će se objaviti u “Službenom glasniku Općine Tuzla”.

OPĆINA TUZLA
Općinsko vijeće
Broj: 01/08-31-1616/11
13. juli 2011. godine

PREDSJEDAVALAČICA
Nada Mladina

7

Na osnovu člana 26. Statuta Općine Tuzla (“Službeni glasnik Općine Tuzla”, broj 22/99., 9/00., 2/08. i 12/09.), a u vezi sa članom 4. Zakona o prometu nepokretnosti (“Službeni list SR BiH”, broj 38/78., 4/89., 29/90. i 22/91.) i (“Službeni list RBiH”, broj 2/92., 3/93. i 18/94.), Općinsko vijeće Tuzla, na sjednici od 13. jula 2011. godine, donosi

ODLUKU
o promjeni statusa nepokretnosti

Član 1.

Utvrđuje se da je izgubilo status dobra u općoj upotrebi zemljište društvene svojine označeno kao:

- k.č. broj 1892/6 zv.put Neplodno, površine 5 m²,
- k.č. broj 1892/7 zv. put Neplodno, površine 7 m²,

upisane u zk. uložak Iskaz I KO Tuzla, društvena svojina 1/1 (JAVNO DOBRO), a po novom premjeru

- k.č. broj 143/2 zv. UL. IVANA MARKOVIČA, prilazni put površine 5 m²,
- k.č. broj 143/3 zv. UL. IVANA MARKOVIČA, prilazni put površine 7 m²,

upisane u posjedovni list broj 243 KO Tuzla IV, društvena svojina sa 1/1, korisnik Putevi Tuzla sa 1/1.

Član 2.

Općinski sud Tuzla Zemljišno-knjižni ured, na zemljištu opisanom u članu 1. ove Odluke, u zemljišnoj knjizi, brisat će ranije izvršene upise i isto kao društvena svojina, pravo raspolaganja Općina Tuzla.

Član 3.

Odluka će biti objavljena u "Službenom glasniku Općine Tuzla", a stupa na snagu danom donošenja.

OPĆINA TUZLA
Općinsko vijeće
Broj: 01/08-31-4984/11
13. juli 2011. godine

PREDSJEDAVALJUĆI
Nada Mladina

8

Na osnovu člana 4. Zakona o prometu nepokretnosti ("Službeni list SR BiH", broj 38/78., 4/89., 29/90. i 22/91.) i ("Službeni list RBiH", broj 21/92., 3/93. i 17/93.) i člana 26. Statuta Općine Tuzla ("Službeni glasnik općine Tuzla", broj 2/99. i 9/00., 2/08. i 12/09.), Općinsko vijeće Tuzla, na sjednici od 13. jula 2011. godine, donosi

ODLUKU o promjeni statusa nepokretnosti

Član 1.

Utvrđuje se da je izgubilo status dobra u općoj upotrebi zemljište društvene svojine označeno kao:

- k.č. broj 2585/4 zv. Krojčica, njive, 433 m², upisana u posjedovni list broj 251 KO Tuzla IV, kao posjednik upisani Titovi rudnici Kreka-Banovići Dobrnja (po starom premjeru parcela označena kao k.č. broj 1798/4 zv. Krojčica, njive, površine 433 m², upisana u zk. uložak broj 12227 KO Tuzla, državno vlasništvo – Rudarske knjige)

Član 2.

Na osnovu ove Odluke, Služba za geodetske i imovinsko-pravne poslove Općine Tuzla i Općinski sud Tuzla - Zemljišno knjižni ured Tuzla, na zemljištu iz člana 1. ove Odluke, u katastarskom operatu, brisat će ranije izvršen upis i isto ze-

mljište upisati kao državna svojina, pravo posjeda i vlasništva u korist Općine Tuzla, s dijelom od 1/1.

Član 3.

Odluka stupa na snagu danom donošenja i objavit će se u "Službenom glasniku Općine Tuzla"

OPĆINA TUZLA
Općinsko vijeće
Broj: 01/08-31-6371/11
13. juli 2011. godine

PREDSJEDAVALJUĆI
Nada Mladina

9

Na osnovu člana 4. Zakona o prometu nepokretnosti ("Službeni list SR BiH", broj 38/78., 4/89., 29/90. i 22/91.) i člana 26. Statuta Općine Tuzla ("Službeni glasnik Općine Tuzla", broj 2/99., 9/00., 2/08 i 12/09.), Općinsko vijeće Tuzla, na sjednici od 13. jula 2011. godine, donosi

ODLUKU o promjeni statusa nepokretnosti

Član 1.

Utvrđuje se da je izgubilo status dobra u općoj upotrebi zemljište u društvenoj svojini označeno kao:

- k.č. broj 1904/25 zv. Rastuša, njiva, površine 100 m², upisana u zk. ul. (elektronski) 3270 KO Bistarac, državna svojina, JAVNO DOBRO-VODE (novi premjer k.č. broj 528/6 zv. Rastuša, njiva 3 klase, upisana u PL 414 KO Plane, društvena svojina - vode)

Član 2.

Zemljišno-knjižni ured Općinskog suda Tuzla i Služba za geodetske i imovinsko-pravne poslove Općine Tuzla, na zemljištu opisanom u članu 1. ove Oduke, u zemljišnoj knjizi i katastarskom operatu, brisat će ranije izvršene upise i isto upisati kao državna svojina, pravo raspolaganja u korist Općine Tuzla sa 1/1.

Član 3.

Odluka stupa na snagu danom donošenja i objavit će se u "Službenom glasniku Općine Tuzla"

OPĆINA TUZLA
Općinsko vijeće
Broj: 01/08-31-6398/11
13. juli 2011. godine

PREDSJEDAVALJUĆI
Nada Mladina

10

Općinsko vijeće Tuzla, rješavajući po Zahtjevu "Tuzla-prevoz" d.o.o. Tuzla iz Tuzle, za davanje saglasnosti za otuđenje nedovršene zgrade na gradskom građevinskom zemljištu, na osnovu člana 54. stav 3. Zakona o građevinskom zemljištu Federacije Bosne i Hercegovine ("Službene novine Federacije BiH", broj 67/05.), na sjednici od 13. jula 2011. godine, donosi

RJEŠENJE**o davanju saglasnosti za otuđenje nedovršene zgrade****I**

Daje se saglasnost „Tuzlaprevoz“ d.o.o. Tuzla iz Tuzle da može otuđiti nedovršene zgrade zajedno sa zemljištem pod objektom i zemljištem koje služi za redovnu upotrebu objekta, s idealnim dijelom od 1/1, a koji se nalazi na građevinskoj parceli koju čini gradsko građevinsko zemljište označeno kao:

- k.č. broj 1436/5 zv. Šljaka, beton, ostalo neplodno, površine 3293 m², upisana u posjedovni list broj 2061 KO Tuzla IV, kao posjednik upisan „Tuzlaprevoz“ d.o.o. Tuzla s dijelom od 1/1 (po starom premjeru parcela označena kao k.č. broj 1836/75 zv. Kreka, neplodno, površine 3293 m², upisana u zk. uložak broj 8187 KO Tuzla, državno vlasništvo, uknjiženo pravo korištenja radi građenja u korist „Tuzlaprevoz“ d.o.o. Tuzla, s dijelom od 1/1).

II

D.o.o. „Tuzlaprevoz“ iz Tuzle je obavezan, u roku od 8 dana od dana prijema ovog Rješenja, na ime takse uplatiti iznos od 30,00 KM, na račun Službe za geodetske i imovinsko-pravne poslove Općine Tuzla, broj 1321000185060197, vrsta prihoda 722131, kod NLB „Tuzlanska banka“ d.d. Tuzla.

III

Rješenje će se objaviti u „Službenom glasniku Općine Tuzla“.

OPĆINA TUZLA
Općinsko vijeće
Broj: 01/08-31-6610/11
13. juli 2011. godine

PREDSJEDAVALAČICA
Nada Mladina

11

Na osnovu člana 61. Zakona o građevinskom zemljištu Federacije Bosne i Hercegovine („Službene novine Federacije BiH”, broj 67/05.) i člana 26. Statuta Općine Tuzla („Službeni glasnik Općine Tuzla”, broj 2/99., 9/00., 2/08. i 12/09.), u postupku utvrđivanja prava korištenja i prava vlasništva po Zahtjevu Durmić (Fajko) Nedžada i Durmić (Fajko) Envera, oba iz Tuzle, Općinsko vijeće Tuzla, na sjednici od 13. jula 2011. godine, donosi

RJEŠENJE**o utvrđivanju prava korištenja gradskog građevinskog zemljišta****I**

Utvrđuje se, uz naknade, u korist Durmić (Fajko) Nedžada i Durmić (Fajko) Envera, oba iz Tuzle, pravo korištenja radi građenja na gradskom građevinskom zemljištu označenom kao:

- k.č. broj 407/5 zv. Krakača, njive 2. klase, površine 423 m², upisana u posjedovni list broj 388 KO Soli-

na, društvena svojina, pravo korištenja Mujezinović Mirjana, Tuzla, s dijelom od 1/1 (po starom premjeru k.č. broj 960/14 zv. Krakača, oranica, površine 423 m², upisana u zk. uložak broj 10511 KO Tuzla, državno vlasništvo, pravo korištenja Mirjana Mujezinović supruga Muharema, s dijelom od 1/1).

II

Durmić (Fajko) Nedžad i Durmić (Fajko) Enver, oba iz Tuzle, obavezni su da, u roku od 15 dana od dana pravosnažnosti ovog Rješenja, uplate naknadu za pogodnost lokacije - rentu za korisnu površine objekta od 258 m², u iznosu od 9128,04 KM, na depozitni račun Općine Tuzla, broj 132-100-01850601-97, vrsta prihoda 722437, kod NLB „Tuzlanska banka“ d.d. Tuzla.

Durmić (Fajko) Nedžad i Durmić (Fajko) Enver, oba iz Tuzle, nisu obavezni platiti naknadu za zemljište.

III

Nakon pravosnažnosti ovog Rješenja i uplate naknada iz tačke 2. dispozitiva Rješenja, Općinski sud u Tuzli-Zemljišno-knjižni ured i Služba za geodetske i imovinsko-pravne poslove Općine Tuzla, na nekretninama iz tačke 1. dispozitiva ovog Rješenja, brisat će ranije izvršene upise i na istima upisati pravo korištenja radi građenja zidane garaže, u korist Durmić (Fajko) Nedžada iz Tuzle s dijelom od 1/2 i Durmić (Fajko) Envera iz Tuzle s dijelom od 1/2.

IV

Po Zahtjevu stranke, na zemljištu poblježe opisanom u tački 1. dispozitiva ovog Rješenja, u postupku uplanjenja zidane garaže u katastarskom operatu i zemljišnoj knjizi, brisat će se upisi iz tačke 3. dispozitiva ovog Rješenja i na istom upisati pravo vlasništva na objektu i zemljištu pod objektom te zemljištu koje služi za redovnu upotrebu objekta, u korist Durmić (Fajko) Nedžada iz Tuzle s dijelom od 1/2 i Durmić (Fajko) Envera iz Tuzle s dijelom od 1/2.

V

Durmić Nedžad i Durmić Enver, oba iz Tuzle, dužni su, u roku od 8 dana od dana pravosnažnosti Rješenja, uplatiti iznos od 30,00 KM na ime troškova upravnog postupka, na depozitni račun Općine Tuzla, broj 132 100 01 85 0601 97, vrsta prihoda 722131, kod NLB „Tuzlanska banka“ d.d. Tuzla.

VI

Rješenje će se objaviti u „Službenom glasniku Općine Tuzla“.

OPĆINA TUZLA
Općinsko vijeće
Broj: 01/07-31-9449/07
13. juli 2011. godine

PREDSJEDAVALAČICA
Nada Mladina

12

Na osnovu člana 61. Zakona o građevinskom zemljištu Federacije Bosne i Hercegovine („Službene novine Federacije

BiH”, broj 67/05.) i člana 26. Statuta Općine Tuzla („Službeni glasnik Općine Tuzla”, broj 2/99., 9/00. i 2/08. i 12/09.), Općinsko vijeće Tuzla, na sjednici od 13. jula 2011. godine, donosi

RJEŠENJE
o utvrđivanju prava korištenja gradskog
građevinskog zemljišta

I

Utvrđuje, se u korist Hujdur (Meho) Senada iz Tuzle, uz naknadu, pravo korištenja radi građenja na gradskom građevinskom zemljištu označenom kao:

- k.č. broj 2065/2 zv. Krojčica, njive, površine 557 m², upisana u posjedovni list broj 554 KO Tuzla IV, kao posjednik upisan Jovanović (Stanko) Zdravko s dijelom od 1/1 (po starom premjeru parcela označena kao k.č. broj 1835/127 zv. Krojčica, oranica, površine 557 m², upisana u zk. uložak broj 9713 KO Tuzla, državno vlasništvo, s pravom korištenja u korist Jovanović (Stanko) Zdravka, s dijelom od 1/1.

II

Hujdur Senad iz Tuzle je obavezan, u roku od 15 dana od dana pravosnažnosti ovog Rješenja, uplatiti naknadu za pogodnost lokacije (rentu) u iznosu od 9800,00 KM, na depozitni račun Općine Tuzla, broj 132-100-0185060197, vrsta prihoda 722 435, kod NLB „Tuzlanska banka“ d.d. Tuzla.

III

Nakon pravosnažnosti ovog Rješenja i priloženih dokaza o uplatama iz tačke 2. dispozitiva ovog Rješenja, na nekretninama iz tačke 1. dispozitiva ovog Rješenja, brisat će sve ranije izvršene upise u pogledu prava na njima i iste upisati kao pravo korištenja radi građenja u korist Hujdur (Meho) Senada, s dijelom od 1/1.

IV

Po Zahtjevu Hujdur (Meho) Senada iz Tuzle, u postupku uplanjenja objekta izgrađenog na zemljištu iz tačke 1. dispozitiva ovog Rješenja, u katastarskom operatu i zemljišnoj knjizi, brisat će se upisi iz tačke 3. dispozitiva ovog Rješenja i na istom upisati pravo vlasništva na objektu i zemljištu pod objektom, te zemljištu koje služi za redovnu upotrebu objekta, u korist Hujdur (Meho) Senada sa 1/1.

V

Hujdur (Meho) Senad je dužan, u roku od 8 (osam) dana od dana prijema ovog Rješenja, na ime naknade troškova postupka, uplatiti iznos od 30,00 KM, na račun Službe za geodetske i imovinsko-pravne poslove Općine Tuzla, broj 132 1000185060197, vrsta prihoda 722131, kod NLB „Tuzlanska banka“ d.d. Tuzla.

VI

Rješenje će se objaviti u „Službenom glasniku Općine Tuzla”.

OPĆINA TUZLA
Općinsko vijeće
Broj: 01/08-31-4579/11
13. juli 2011. godine

PREDSJEDAVAJUĆI
Nada Mladina

13

Na osnovu člana 67. stav 2. i člana 218. Zakona o upravnom postupku („Službene novine Federacije BiH”, broj 2/98. i 48/99.), u vezi sa članom 26. Statuta Općine Tuzla („Službeni glasnik Općine Tuzle”, broj 2/99., 9/00., 2/08. i 12/09.) Općinsko vijeće Tuzla, na sjednici od 13. jula 2011. godine, donosi

ZAKLJUČAK
o odbacivanju Zahtjeva za utvrđivanje prava
korištenja i prava vlasništva na izgrađenom
gradskom građevinskom zemljištu

I

Odbacuje se Zahtjev Smajlović Sakiba iz Tuzle, za utvrđivanje prava korištenja i prava vlasništva na izgrađenom gradskom građevinskom označenom kao dio k.č. broj 1040/1 zv. Novi grad, kuća, površine 236 m² i dvorište površine 27211 m², upisana u posjedovni list broj 342 KO Tuzla II, državna svojina-korisnik (stari premjer dio k.č. broj 1359/4 zv. dvorište Novi grad, površine 2057 m², KO Tuzla), kao nepotpun.

II

Zaključak će se objaviti u “Službenom glasniku općine Tuzla”.

OPĆINA TUZLA
Općinsko vijeće
Broj: 01/08-31-3990/10
13. juli 2011. godine

PREDSJEDAVAJUĆI
Nada Mladina

14

Na osnovu člana 25. stav 2. Zakona o građevinskom zemljištu („Službene novine Federacije Bosne i Hercegovine“, broj 67/05.) i člana 26. Statuta Općine Tuzla („Službeni glasnik Općine Tuzla“, broj 2/99., 9/00., 2/08. i 12/09.) Općinsko vijeće Tuzla, na sjednici od 13. jula 2011. godine, donosi

ZAKLJUČAK
o neprihvatnju Ponude za preuzimanje gradskog
građevinskog zemljišta

I

Ne prihvata se Ponuda Iličković (Božo) Ivice iz Tuzle i Lovrić rođene Iličković (Božo) Mare iz Tuzle, za preuzimanje gradskog građevinskog zemljišta po starom premjeru označenog kao:

- k.č. broj 529/9, Livada površine 1050 m², upisana u zk. uložak broj 2519 KO Husino, državno vlasništvo sa 1/1, uknjiženo pravo korištenja na zemljištu u korist Mare Iličković um. Bože iz Husina, s dijelom od 33/80 i Iličković Ivica, um. Bože iz Husina s dijelom od 47/80 (po novom premjeru dio k.č. broj 18 Lugovi livade 2 klase, površine 5385 m², upisana u posjedovni list broj 90 KO Kiseljak, sukorisnici Čajić (Ivo) Ana iz Husina s dijelom od 1/5, Iličković (Ivo) Ilija iz Tuzle s dijelom od 1/5, Iličković (Ivo) Stjepan iz Husina s dijelom od 1/5, Iličković (Božo) Ivica iz Tuzle s dijelom od 1/5 i Iličković (Šimo) Vlado iz Tuzle s dijelom od 1/5.

II

Iličković (Božo) Ivica iz Tuzle i Lovrić rođena Iličković (Božo) Mara iz Tuzle mogu prenijeti pravo korištenja na zemljištu po starom premjeru označenom kao k.č. broj 529/9 KO Husino, odnosno pravo korištenja na dijelu od 1/5 zemljišta po novom premjeru označenog kao k.č. broj 18 KO Kiseljak na treća lica, ali ne po cijeni nižoj od 20.000 KM, a koja cijena je ponuđena Općini Tuzla.

III

Zaključak će se objaviti u „Službenom glasniku Općine Tuzla“.

OPĆINA TUZLA

Općinsko vijeće

Broj: 01/08-31-10130/10

13. juli 2011. godine

PREDSJEDAVALAČI

Nada Mladina

15

Na osnovu člana 25. stav 2. Zakona o građevinskom zemljištu („Službene novine FBiH”, 67/05.) i člana 26. Statuta Općine Tuzla („Službeni glasnik Općine Tuzla”, broj 2/99., 9/00., 2/08. i 12/09.) Općinsko vijeće Tuzla, na sjednici od 13. jula 2011. godine, donosi

ZAKLJUČAK

o neprihvatanju Ponude za preuzimanje gradskog građevinskog zemljišta

I

Ne prihvata se Ponuda Jaganjac (Ferhat) Mudehtefa iz Tuzle, upućena Općini Tuzla za preuzimanje neizgrađenog gradskog građevinskog zemljišta označenog kao:

- k.č. broj 2038/2 zv. ŠI SELO, njive 5 klase, površine 65 m²,
- k.č. broj 2038/2 zv. ŠI SELO, pašnjaci 3 klase, površine 124 m², upisane u p.l. broj 539 KO Tuzla III, društvena svojina sa 1/1, posjednik Jaganjac (Ferhata) Mudehtefa iz Tuzle sa 1/1 (po starom premjeru k.č. broj 1493/227 zv. pašnjak, površine 189 m², upisano u z.k. izvadak broj 2564 KO Tuzla, društvena svojina sa 1/1, s površinom korištenja na zemljištu u korist Jaganjac (Ferhat) Mudehtefa sa 1/1.

II

Jaganjac (Ferhat) Mudehtefa iz Tuzle može prenijeti pravo korištenja na treća lica, ali ne po cijeni nižoj od 2.000,00 KM koja je ponuđena Općini Tuzla.

III

Zaključak će se objaviti u „Službenom glasniku Općine Tuzla“.

OPĆINA TUZLA

Općinsko vijeće

Broj: 01/08-31-36/11

13. juli 2011. godine

PREDSJEDAVALAČI

Nada Mladina

16

Na osnovu člana 25. stav 2. Zakona o građevinskom zemljištu F BiH („Službene novine F BiH”, broj 67/05) i člana 26. Statuta Općine Tuzla („Službeni glasnik Općine Tuzla”, broj 2/99., 9/00., 2/08. i 12/09.), Općinsko vijeće Tuzla, na sjednici od 13. jula 2011. godine, donosi

ZAKLJUČAK

o neprihvatanju Ponude za preuzimanje gradskog građevinskog zemljišta

I

Ne prihvata se Ponuda Pašalić (Jusuf) Emira iz Tuzle i Hinić (Milan) Nebojše iz Bijeljine, za preuzimanje neizgrađenog građevinskog zemljišta označenog kao:

- k.č. broj 215/2 zv. Hadžićka, voćnjaci 3 klase, površine 1.101 m², upisana u posjedovni list broj 597 KO Kiseljak, državna svojina, korisnik: Pašalić (Jusuf) Emir s dijelom od 1/1 (po starom premjeru k.č. broj 1099/10, oranica zv. Hansko polje, površine 1.000 m², upisana u zk. uložak broj 458 KO Bokavići, državno vlasništvo sa 1/1, uknjiženo pravo korištenja u korist Nebojše Hinića u. Milana s dijelom od 1/2 i Pašalić (Jusuf) Emira s dijelom od 1/2.

II

Pašalić (Jusuf) Emir iz Tuzle i Hinić (Milan) Nebojša iz Bijeljine, mogu prenijeti pravo korištenja na zemljištu iz tačke I dispozitiva ovog Zaključka na treća lica, ali ne po cijeni nižoj od 8.000,00 KM za ukupnu površinu zemljišta, a koja cijena je ponuđena Općini Tuzla.

III

Pašalić Emir i Hinić Nebojša su obavezni da, u roku od 8 dana od dana prijema ovog Zaključka, na ime naknade troškova postupka, uplate iznos od 30,00 KM, na depozitni račun Općine Tuzla, otvoren kod NLB „Tuzlanska banka“ d.d. Tuzla, broj: 1321000185060197, vrsta prihoda: 722131.

IV

Zaključak će se objaviti u „Službenom glasniku Općine Tuzla“.

OPĆINA TUZLA
Općinsko vijeće
Broj: 01/08-31-4449/11
13. juli 2011. godine

PREDSJEDAVAJUĆI
Nada Mladina

26. Statuta Općine Tuzla („Službeni glasnik Općine Tuzla”, broj 2/99., 9/00., 2/08. i 12/09.), Općinsko vijeće Tuzla, na sjednici od 13. jula 2011. godine, donosi

17

Na osnovu člana 25. stav 2. Zakona o građevinskom zemljištu F BiH („Službene novine F BiH”, broj 67/05) i člana 26. Statuta Općine Tuzla („Službeni glasnik Općine Tuzla”, broj 2/99., 9/00., 2/08. i 12/09.), Općinsko vijeće Tuzla, na sjednici od 13. jula 2011. godine, donosi

ZAKLJUČAK
o neprihvatanju Ponude za preuzimanje gradskog građevinskog zemljišta

I

Ne prihvata se Ponuda Keroškić (Stjepan) Marije iz Tuzle, za preuzimanje neizgrađenog građevinskog zemljišta označenog kao:

- k.č. broj 2992/1 zv. Utrina, njive 5 klase, površine 1.218 m², upisane u posjedovni list broj 2155 KO Tuzla IV, korisnik Keroškić (Stjepan) Marija s dijelom od 1/1 (po starom premjeru k.č. broj 166/13 oranica zv. Utrina, površine 1.218 m², upisana u zk. uložak broj 2288 KO Husino, državno vlasništvo sa 1/1, uknjiženo pravo korištenja u korist Keroškić (Stjepan) Marije s dijelom od 1/1.

II

Keroškić (Stjepan) Marija iz Tuzle može prenijeti pravo korištenja na zemljištu iz tačke I dispozitiva ovog Zaključka na treća lica, ali ne po cijeni nižoj od 40,00 KM po 1 m² zemljišta, a koja cijena je ponuđena Općini Tuzla.

III

Keroškić Marija je obavezna da, u roku od 8 dana od dana prijema ovog Zaključka, na ime naknade troškova postupka, uplati iznos od 30,00 KM, na depozitni račun Općine Tuzla, otvoren kod NLB „Tuzlanska banka“ d.d. Tuzla, broj: 1321000185060197, vrsta prihoda: 722131.

IV

Zaključak će se objaviti u „Službenom glasniku Općine Tuzla“.

OPĆINA TUZLA
Općinsko vijeće
Broj: 01/08-31-4924/11
13. juli 2011. godine

PREDSJEDAVAJUĆI
Nada Mladina

18

Na osnovu člana 25. stav 2. Zakona o građevinskom zemljištu F BiH („Službene novine F BiH”, broj 67/05) i člana

ZAKLJUČAK

o neprihvatanju Ponude za preuzimanje gradskog građevinskog zemljišta

I

Ne prihvata se Ponuda Keroškić (Tadija) Radmile i Keroškić (Tadija) Danice iz Tuzle, za preuzimanje neizgrađenog građevinskog zemljišta označenog kao:

- k.č. broj 2988 zv. Miladije, voćnjaci 2 klase, površine 346 m² i
- k.č. broj 2990 zv. Miladije, voćnjaci 2 klase, površine 416 m², obje upisane u posjedovni list broj 1591 KO Tuzla IV, državna svojina, korisnici: Keroškić (Tadija) Danica s dijelom od 1/2 i Keroškić (Tadija) Radmila s dijelom od 1/2 (po starom premjeru: k.č. broj 166/31 voćnjak zv. Miladije, površine 346 m² i k.č. 166/32 voćnjak zv. Miladije, površine 416 m², obje upisane u zk. uložak broj 1942 KO Husino, državno vlasništvo sa 1/1, uknjiženo pravo korištenja u korist: Keroškić (Tadija) Danice s dijelom od 1/2 i Keroškić (Tadija) Radmile s dijelom od 1/2.

II

Keroškić (Tadija) Radmila i Keroškić (Tadija) Danica iz Tuzle, mogu prenijeti pravo korištenja na zemljištu iz tačke I dispozitiva ovog Zaključka na treća lica, ali ne po cijeni nižoj od 120,00 KM po 1 m² zemljišta, a koja cijena je ponuđena Općini Tuzla.

III

Keroškić Radmila i Keroškić Danica su obavezne da, u roku od 8 dana od dana prijema ovog Zaključka, na ime naknade troškova postupka, uplate iznos od 30,00 KM, na depozitni račun Općine Tuzla, otvoren kod NLB „Tuzlanska banka“ d.d. Tuzla, broj: 1321000185060197, vrsta prihoda: 722131.

IV

Zaključak će se objaviti u „Službenom glasniku Općine Tuzla“.

OPĆINA TUZLA
Općinsko vijeće
Broj: 01/08-31-5041/11
13. juli 2011. godine

PREDSJEDAVAJUĆI
Nada Mladina

19

Na osnovu člana 47. Zakona o prostornom uređenju Tuzlanskog kantona („Službene novine Tuzlanskog kantona“, broj 6/11.) i člana 26. Statuta Općine Tuzla („Službeni glasnik Općine Tuzla“, broj 2/99., 9/00., 2/08. i 12/09.), Općinsko vijeće Tuzla, na sjednici od 13. jula 2011. godine, donosi

ZAKLJUČAK

o usvajanju Regucionog plana poslovno-proizvodne zone Mlake – Šićki Brod u Tuzli (Prednact)

I

Usvaja se Regulacioni plan poslovno-proizvodne zone Mlake – Šićki Brod u Tuzli (Prednact).

II

Zaključak će se objaviti u „Službenom glasniku Općine Tuzla“.

OPĆINA TUZLA
Općinsko vijeće
Broj: 01-23-6411-2011
13. juli 2011. godine

PREDSJEDAVAJUĆI
Nada Mladina

II AKTI OPĆINSKOG NAČELNIKA TUZLA

1

Na osnovu člana 12. tačka 3. Zakona o ministarskim, vladinim i drugim imenovanjima Federacije BiH („Sl. novine Federacije BiH“, broj 34/03.), člana 49. stav 6. Statuta JP „Veterinarska stanica“ d.o.o. Tuzla i člana 39. Statuta Općine Tuzla („Službeni glasnik Općine Tuzla“, broj 2/99., 9/00., 2/08. i 12/09.), Općinski načelnik Tuzla, donosi

ODLUKU

o davanju saglasnosti Nadzornom odboru JP „Veterinarska stanica“ d.o.o. Tuzla za imenovanje direktora preduzeća

I

Daje se saglasnost na Odluku Nadzornog odbora JP „Veterinarska stanica“ d.o.o. Tuzla, broj: 125/11, od 03. 06. 2011. godine, da se Jasmin Ferizbegović, prof. dr. sci. iz Tuzle, imenuje za direktora Preduzeća.

II

Odluka stupa na snagu danom donošenja, a objavit će se u „Službenim novinama Federacije BiH“ i „Službenom glasniku Općine Tuzla“.

OPĆINA TUZLA
Općinski načelnik
Broj: 02-05-5812-2011.
21. juni 2011. godine

OPĆINSKI NAČELNIK
Jasmin Imamović

2

Na osnovu člana 34. Zakona o budžetima u Federaciji Bosne i Hercegovine („Sl. novine F BiH“, broj 19/06., 76/08., 5/09., 32/09. 9/10., 36/10. i 45/10), člana 39. i 131. Statuta Općine Tuzla, („Sl. glasnik Općine Tuzla“, broj 2/99., 9/00., 2/08. i 12/09.) i člana 16. Odluke o izvršavanju Budžeta Općine Tuzla za 2011. godinu („Sl. glasnik Općine Tuzla“, broj 2/11.), a u vezi s Prijedlogom Službe za razvoj, poduzetništvo i društvene djelatnosti, broj 04-14-5958/11 od 05. 07. 2011. i Zahtjevom Organizacije porodica šehida i poginulih boraca općine Tuzla, broj: 225/11 od 15. 06. 2011. godine, Općinski načelnik Tuzla, donosi

ODLUKU

o izdvajanju sredstava iz Tekuće rezerve Budžeta Općine Tuzla za 2011. godinu, Organizaciji porodica šehida i poginulih boraca općine Tuzla

I

Odobrava se izdvajanje novčanih sredstava iz Budžeta Općine Tuzla za 2011. godinu, pozicija „Tekuća rezerva Budžeta“, u iznosu od 800,00 KM (osam stotina konvertibilnih maraka).

II

Sredstva iz tačke I ove Odluke se izdvajaju Organizaciji porodica šehida i poginulih boraca općine Tuzla, na ime finansijske pomoći za nabavku osnovnih namirnica za djecu šehida Šljivić Muniba, Nevresu i Nevresa.

III

Za izvršenje ove Odluke se zadužuje Služba za budžet i finansije, koja će navedena sredstva uplatiti na račun Organizacije porodica šehida i poginulih boraca općine Tuzla, broj: 132-100-03097935-64, otvoren kod NLB „Tuzlanska banka“ d.d. Tuzla.

IV

Odluka stupa na snagu danom donošenja, a bit će objavljena u „Službenom glasniku Općine Tuzla“.

OPĆINA TUZLA
Općinski načelnik
Broj: 02-14-5958-2011.
06. juli 2011. godine

OPĆINSKI NAČELNIK
Jasmin Imamović

3

Na osnovu člana 34. Zakona o budžetima u Federaciji Bosne i Hercegovine („Sl. novine F BiH“, broj 19/06., 76/08., 5/09., 32/09. 9/10., 36/10. i 45/10), člana 39. i 131. Statuta Općine Tuzla, („Sl. glasnik Općine Tuzla“, broj 2/99., 9/00., 2/08. i 12/09.) i člana 16. Odluke o izvršavanju Budžeta Općine Tuzla za 2011. godinu („Sl. glasnik Općine Tuzla“, broj 2/11.), a u vezi s Prijedlogom Službe za razvoj, poduzetništvo i društvene djelatnosti, broj 04-14-5993/11 od 05. 07. 2011. i Zahtjevom Hasković Rifeta „iz Tuzle“, Općinski načelnik Tuzla, donosi

ODLUKU

o izdvajanju sredstava iz Tekuće rezerve Budžeta Općine Tuzla za 2011. godinu, Hasković Rifetu

I

Odobrava se izdvajanje novčanih sredstava iz Budžeta Općine Tuzla za 2011. godinu, pozicija „Tekuća rezerva Budžeta“, u iznosu od 500,00 KM (pet stotina konvertibilnih maraka).

II

Sredstva iz tačke I ove Odluke se izdvajaju Hasković Rifetu, na ime finansijske pomoći za pokrivanje dijela troškova liječenja.

III

Za izvršenje ove Odluke se zadužuje Služba za budžet i finansije, koja će navedena sredstva uplatiti na račun Hasković

Rifeta, broj: 199-050-00694655-78, otvoren kod Sparkasse banke.

IV

Odluka stupa na snagu danom donošenja, a bit će objavljena u „Službenom glasniku Općine Tuzla“.

OPĆINA TUZLA

OPĆINSKI NAČELNIK

Općinski načelnik

Broj: 02-14-5993-2011.

Jasmin Imamović

06. juli 2011. godine

4

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj 34/03.), člana 25. Zakona o ustanovama („Službeni list RBiH“, broj 6/92., 8/93. i 13/94.) i člana 9. stav 2. Odluke o osnivanju JU Dom mladih Tuzla („Službeni glasnik Općine Tuzla, broj 5/02., 2/03., 5/05. i 5/06.), Općinski načelnik Tuzla, donosi

RJEŠENJE

o imenovanju predsjednika i članova privremenog Upravnog odbora Javne ustanove Dom mladih Tuzla

I

Imenuju se predsjednik i članovi privremenog Upravnog odbora Javne ustanove Dom mladih Tuzla, na period od 60 dana, odnosno do okončanja postupka imenovanja članova Upravnog odbora Javne ustanove Dom mladih Tuzla, u sljedećem sastavu:

1. Elvira Mujabašić, predsjednik, ispred osnivača
2. Asja Redžić, član, ispred osnivača
3. Meliha Čatić, član, ispred osnivača
4. Mirjana Tahirović, član, ispred zaposlenih u JU Dom mladih Tuzla

II

Rješenje stupa na snagu danom donošenja, a objavit će se u „Službenom glasniku Općine Tuzla“.

OPĆINA TUZLA

OPĆINSKI NAČELNIK

Općinski načelnik

Broj: 02-05-6004-2011.

Jasmin Imamović

27. juli 2011. godine

5

Na osnovu člana 15. Zakona o principima lokalne samouprave u Federaciji Bosne i Hercegovine (Sl. novine FBiH, broj:49/06), a u vezi sa članom 31. i 66. Zakona o plaćama i naknadama u organima vlasti FBiH (Sl. novine FBiH, broj: 45/10), člana 39. i 131. Statuta Općine Tuzla (Sl. glasnik općine Tuzla, broj: 02/99, 09/00, 2/08 i 12/09), člana 4. Odluke o naknadama uposlenika općinskih organa Tuzla (Sl. glasnik Općine Tuzla, broj:11/10), i člana 6.b Odluke o načinu ostvarivanja ušteta u Općini Tuzla (Sl. glasnik Općine Tuzla, broj: 10/09, 13/09, 3/10, 11/10 i 3/11) Općinski načelnik, donosi

ODLUKU

o visini regresa za 2011. godinu

I

Općinskom načelniku, Savjetnicima Općinskog načelnika, Općinskom pravobraniocu, zamjenicima Općinskog pravobranioaca, rukovodećim i ostalim državnim službenicima i namještenicima zaposlenim u organima uprave i upravnim organizacijama općine Tuzla i Općinskom pravobranilaštvu Tuzla (u daljem tekstu: zaposlenici), u skladu sa članom 4.

Odluke o naknadama uposlenika općinskih organa Tuzla (Sl. glasnik općine Tuzla, broj:11/10), pripada naknada na ime regresa za korištenje godišnjeg odmora u iznosu od 405,14 KM, po zaposleniku, što predstavlja 50% prosječne neto plaće isplaćene u FBiH za prethodna tri mjeseca (Sl. novine FBiH, broj: 26/11).

II

Pravo na isplatu regresa ima uposlenik iz takće I ove Odluke koji je ostvario pravo na godišnji odmor, odnosno kojemu je izdato Rješenje o korištenju godišnjeg odmora za 2011. kalendarsku godinu.

III

Za izvršenje ove Odluke zadužuje se Služba za budžet i finansije.

IV

Odluka stupa na snagu danom objavljivanja u „Službenom glasniku opine Tuzla“.

OPĆINA TUZLA

OPĆINSKI NAČELNIK

Općinski načelnik

Broj: 02-14-6222-2011.

Jasmin Imamović

11. juli 2011. godine

SADRŽAJ

”Službenog glasnika Općine Tuzla”, broj 7/2011

I AKTI OPĆINSKOG VIJEĆA TUZLA

1. Odluka o izmjenama i dopunama Poslovnika Općinskog vijeća Tuzla	261
2. Odluka o usvajanju Akcionog plana energetske održivosti razvoja općine Tuzla	263
3. Odluka o dopuni Odluke o administrativnim taksama i tarifama općinskih administrativnih taksi	264
4. Odluka o davanju na korištenje bivše zgrade „Stepekt“ JP „BIZNIS INOVACIJE I TEHNOLOGIJE“	264
5. Odluka o promjeni statusa nepokretnosti (01/08-31-9961/10-I)	265
6. Odluka o promjeni statusa nepokretnosti (01/08-31-1616/11)	265
7. Odluka o promjeni statusa nepokretnosti (01/08-31-4984/11)	265
8. Odluka o promjeni statusa nepokretnosti (01/08-31-6371/11)	266
9. Odluka o promjeni statusa nepokretnosti (01/08-31-6398/11)	266
10. Rješenje o davanju saglasnosti za otuđenje nedovršene zgrade (01/08-31-6610/11)	266
11. Rješenje o utvrđivanju prava korištenja gradskog građevinskog zemljišta (01/07-31-9440/07)	267
12. Rješenje o utvrđivanju prava korištenja gradskog građevinskog zemljišta (01/08-31-4579/11)	267
13. Zaključak o odbacivanju Zahtjeva za utvrđivanje prava korištenja i prava vlasništva na izgrađenom gradskom građevinskom zemljištu (01/08-31-3990/10)	268

14. Zaključak o neprihvatanju Ponude za preuzimanje gradskog građevinskog zemljišta (01/08-31-10130/10)	268
15. Zaključak o neprihvatanju Ponude za preuzimanje gradskog građevinskog zemljišta (01/08-31-36/11)	269
16. Zaključak o neprihvatanju Ponude za preuzimanje gradskog građevinskog zemljišta (01/08-31-4449/11)	269
17. Zaključak o neprihvatanju Ponude za preuzimanje gradskog građevinskog zemljišta (01/08-31-4924/11)	270
18. Zaključak o neprihvatanju Ponude za preuzimanje gradskog građevinskog zemljišta (01/08-31-5041/11)	270
19. Zaključak o usvajanju Regulatornog plana poslovno-proizvodne zone Mlake – Šićki Brod u Tuzli (Prednact)	270

II AKTI OPĆINSKOG NAČELNIKA TUZLA

1. Odluka o davanju saglasnosti nadzornom odboru JP „Veterinarska stanica“ d.o.o. Tuzla za imenovanje direktora preduzeća	272
2. Odluka o izdvajanju sredstava iz Tekuće rezerve Budžeta Općine Tuzla za 2011. godinu, Organizaciji porodica šehida i poginulih boraca općine Tuzla	272
3. Odluka o izdvajanju sredstava iz Tekuće rezerve Budžeta Općine Tuzla za 2011. godinu, Hasković Rifetu	272
4. Rješenje o imenovanju predsjednika i članova privremenog Upravnog odbora Javne ustanove Dom mladih Tuzla	273
5. Odluka o visini regresa za 2011. godinu	273

